

新刊黃帝明堂灸經序



夫玄黃始判上下爰分中和之氣為人萬
 物之間最貴莫不稟陰陽氣度作天地英
 靈頭象圓穹足模厚載五臟法之五岳九
 竅以應九州四肢體彼四時六腑配乎六
 律瞻親同於日月呼吸猶若風雲氣血以
 類江河毛髮比之草木雖繼體於父母悉
 取象於乾坤貴且若斯命豈輕也是以立
 身之道濟物居先保壽之宜治病為要草
 木有蠲痲之力鍼灸有劫病之功欲滌邪

由信茲益矣夫明堂者聖人之遺教黃帝
之正經紀血脉循環明陰陽俞募窮流注
之玄妙辨穴道之根元為臟腑權衡作經
絡津要今則採其精粹去彼煩蕪皆目覩
有憑手經竒効書病源以知主療圖人形
貴免參差并集小兒明堂編錄于次庶幾
命是長幼盡涉安衢欲俾華夷同歸壽域
云爾

至大辛亥春月燕山活濟堂刊

新刊黃帝明堂灸經卷上

定尺寸法

岐伯明堂經云以八寸為一尺以八分為一寸緣人有長短肥瘦不同取穴不准秦時扁鵲明堂經云取男左女右手手中指第一節為一寸為緣人有身長手短有身短手長取穴不准唐時孫思邈明堂經云取患人男左女右手大指節橫文為一寸以意消詳巧拙在人亦有差互今取男左女右手中指第二節內度兩橫文相去為一寸自依此寸法與人著灸療病已來其病多得獲愈此法有準今以為定

點灸法

凡點灸時須得身體平直四肢無令拳縮坐點無令
俛仰立點無令傾側灸時孔穴不正無益於事徒燒
好肉虛忍痛楚之苦有病先灸於上後灸於下先灸
於少後灸於多皆宜審之

下火法

凡下火點灸欲令艾炷根下赤暈廣三分若不三分
孔穴不中不合得經絡緣榮衛經脈氣血通流各有
所主灸穴不中即火氣不能遠達而病未能愈矣

用火法

古來用火灸病忌八般木火切宜避之八木者松小
火難差增病栢木火傷神多汗竹木火傷筋目暗榆

木火傷骨失志桑木火傷肉肉枯棗木火內傷吐血
枳木火大傷氣脈橘木火傷榮衛經絡有火珠耀日
以艾草之遂得火出此火灸病為良凡人卒難備矣
次有日照耀日以引之便得火出此火亦佳若遇天
色陰暗遂難得火今即不如無木火也灸人不犯諸
忌兼去久病清油點燈燈上燒艾莖點灸是也兼滋
潤灸後至瘡愈已安且無疼痛用蠟燭更佳諸蕃部
落知此八木火之忌用鑛鐵擊碯石得火出以艾引
之遂乃著灸

候天色法

凡點灸時若值陰霧大起風雪忽降猛雨炎暑雷電

虹蜺暫時且停候待晴明即再下火灸灸時不得傷飽大飽飲酒大醉食生硬物兼忌思慮愁憂恚怒呼罵吁嗟嘆息一切不祥忌之大吉

定灸多少法

凡灸頭與四肢皆不令多灸緣人身有三百六十五絡皆歸於頭頭者諸陽之會也若灸多令又頭旋目眩遠視不明緣頭與四肢肌肉薄若併灸則氣血滯絕於炷下宜歇火氣少時令氣血遂通再使火氣流行候炷數足自然除病宜詳察之

定髮際法

凡灸髮際如是患人有髮際整齊依明堂所說易取

其穴如是患人先因疾患後脫落盡髮際下性本額項無髮難憑取今之患人兩眉中心直上三寸為髮際後取大椎直上三寸為髮際以此為準

發灸瘡法

凡著灸瘡病歷春夏秋冬不較者灸炷雖然數足得瘡發膿壞所患即差如不得瘡發膿壞其疾不愈用經云灸瘡不發者用故履底灸令熱射之三日即發膿出自然愈疾今用赤皮葱三五莖去其葱青於塘灰火中煨熟拍破熱熨灸瘡十餘遍其瘡二日自發立壞膿出疾愈

淋洗灸瘡法

淋洗灸瘡法

凡著灸治病，纔住火，便用赤皮葱薄切，二味煎湯，溫淋洗灸瘡，周迴約一二尺，以驅令逐風氣於瘡口內，出兼令經脈往來不滯於瘡下，自然瘡壞疾愈。若灸瘡退火，痂後用桃樹東南枝梢青，柳皮二味，等分煎湯，溫々淋洗灸瘡，此二味偏能護灸瘡中諸風。若瘡內黑爛潰者，加胡荽二味，等分煎湯，溫々淋洗灸瘡，自然生好肉也。若灸瘡疼痛不可忍，多時不較者，加黃連、四味，等分煎湯，淋洗立有神效。

貼灸瘡法

春取柳飛花如鵝毛者，夏用竹膜，秋用新綿，冬用兔毛，取腹上白細膩者，貓兒服上者更佳。

人神所在不宜針灸

- 一日在大指
- 二日在外踝
- 三日在股內
- 四日在腰間
- 五日在口舌
- 六日在兩手
- 七日在內踝
- 八日在足腕
- 九日在尻
- 十日在腰背
- 十一日在鼻柱
- 十二日在髮際
- 十三日在牙齒
- 十四日在胃管
- 十五日在遍身
- 十六日在膺
- 十七日在氣衝
- 十八日在股內
- 十九日在足
- 二十日在內踝
- 二十一日手小指
- 廿二日在外踝
- 廿三日肝及足
- 廿四日手陽明
- 廿五日足陽明
- 廿六日在膺
- 廿七日在膝
- 廿八日在陰
- 廿九日膝脛
- 三十日在足趺

每月忌日不宜針灸出血

正月五日 二月未日 三月寅日 四月申日
五月卯日 六月酉日 七月辰日 八月戌日
九月巳日 十月亥日 十一月午日 十二月子日

十二部人神不宜灸

建日在足禁晡時申除日在眼禁日入酉滿日在肢
禁黃昏戌平日在背禁入定亥定日在心禁夜半子
執日在手禁雞鳴丑破日在手禁平旦卯危日在鼻
禁日出卯成日在唇禁食時辰收日在頭禁禺中巳
開日在耳禁午時午閉日在目禁日昃未
十二時忌不宜灸

子時在踝 丑時在頭 寅時在耳 卯時在面

辰時在項 巳時在乳 午時在脅 未時在腹

申時在心 酉時在背 戌時在腰 亥時在股

十二部人神不宜灸

一歲十三 二十五 三十七 四十九 六十一
七十三 八十五 人神在心
二歲十四 二十六 三十八 五十 六十二
七十四 八十六 人神在喉
三歲十五 二十七 卅九 五十一 六十三
七十五 八十七 人神在頭
四歲十六 廿八 四十 五十二 六十四

七十六	八十八	人神在肩 <small>シカサ</small>
五十七	六十九	人神在脊 <small>セナカサ</small>
六十八	八十	人神在腰 <small>ウシ</small>
七十九	九十一	人神在腹 <small>ハラ</small>
八十	九十二	人神在項 <small>カサ</small>
九十一	九十三	人神在足 <small>タラシ</small>
七十七	八十九	人神在脊 <small>セナカサ</small>
六十八	八十	人神在腰 <small>ウシ</small>
七十九	九十一	人神在腹 <small>ハラ</small>
八十	九十二	人神在項 <small>カサ</small>
九十一	九十三	人神在足 <small>タラシ</small>

十歲	廿二	卅四	四十六	五十八	七十
八十二	九十四	人神在膝 <small>ヒザ</small>			
十一歲	廿三	卅五	四十七	五十九	
七十二	八十四	九十六	人神在股 <small>ヒラキ</small>		
七十二	八十四	九十六	人神在股 <small>ヒラキ</small>		

九部傍通人神不宜灸

臍 <small>シ</small>	心 <small>シン</small>	肘 <small>テウ</small>	咽 <small>イン</small>	口 <small>クチ</small>	頭 <small>カサ</small>	脊 <small>セナカ</small>	膝 <small>ヒザ</small>	足 <small>タラシ</small>
一	二	三	四	五	六	七	八	九
十	十一	十二	十三	十四	十五	十六	十七	十八
十九	二十	廿一	廿二	廿三	廿四			

廿五	廿六	廿七	廿八	二十九	卅一
卅二	卅三	卅四	卅五	卅六	卅七
卅八	卅九	四十	四一	四二	四三
四四	四五	四六	四七	四八	四九
五十	五一	五二	五三	五四	五五
五六	五七	五八	五九	六十	六一
六二	六三	六四	六五	六六	六七
六八	六九	七十	七一	七二	七三
七四	七五	七六	七七	七八	七九
八十	八一	八二	八三	八四	八五
八六	八七	八八	八九	九十	

雜忌傍通不宜灸

正 二 三 四 五 六 七 八 九 十
 十一 十二

月馱戌酉申未午巳辰卯寅丑子亥
 月激戌戌戌丑丑丑辰辰辰未未未
 月殺丑戌未辰丑戌未辰丑戌未辰
 月刑巳子辰申午丑寅酉未亥卯戌
 六害巳辰卯寅丑子亥戌酉申未午

四季人神不宜灸

春在左脇 秋在右脇 夏在臍 冬在腰
 男忌除 女忌破日

侍郎奏過屍神指訣

<p>三十一 三十二 三十三 三十四 三十五 三十六 三十七 三十八 三十九 四十</p>	<p>三十一 三十二 三十三 三十四 三十五 三十六 三十七 三十八 三十九 四十</p>	<p>三十一 三十二 三十三 三十四 三十五 三十六 三十七 三十八 三十九 四十</p>	<p>三十一 三十二 三十三 三十四 三十五 三十六 三十七 三十八 三十九 四十</p>
<p>三十一 三十二 三十三 三十四 三十五 三十六 三十七 三十八 三十九 四十</p>	<p>三十一 三十二 三十三 三十四 三十五 三十六 三十七 三十八 三十九 四十</p>	<p>三十一 三十二 三十三 三十四 三十五 三十六 三十七 三十八 三十九 四十</p>	<p>三十一 三十二 三十三 三十四 三十五 三十六 三十七 三十八 三十九 四十</p>
<p>三十一 三十二 三十三 三十四 三十五 三十六 三十七 三十八 三十九 四十</p>	<p>三十一 三十二 三十三 三十四 三十五 三十六 三十七 三十八 三十九 四十</p>	<p>三十一 三十二 三十三 三十四 三十五 三十六 三十七 三十八 三十九 四十</p>	<p>三十一 三十二 三十三 三十四 三十五 三十六 三十七 三十八 三十九 四十</p>

一歲十歲起二宮順行
 逐日人神就甲子內檢
 屍神者神農之所制也
 凡人年命巡行九宮皆
 此屍神所在不可針灸
 犯者必主喪命或生癰
 疽尚憂致命宜急速醫
 治明堂云以八分爲一
 寸孫思邈云人有長短
 肥瘦宜取患人中指第
 二節兩橫文相去爲則

灸經

八

天醫取師療病吉日

正月卯日

二月寅日

三月丑日

四月子日

五月亥日

六月戌日

七月酉日

八月申日

九月未日

十月午日

十一月巳

十二月辰

凡醫者若不能知此諸般禁忌趨吉避凶妄亂針灸非惟不能愈疾甚者或致患人傷生喪命為害非輕若逢病人年命厄會更男女氣怯下手至難通人達士豈能拘此哉若遇卒急暴患何暇選擇避忌即不可拘此若是禁穴諸般醫療不差明堂許灸一壯至三壯更宜以意詳之

正人形第一



百會 一穴在頭中心陷者中灸七壯主腦重鼻塞頭
 疼目眩少心力忘前失後心神恍惚及大人小兒脫
神庭 一穴在鼻柱上髮際中灸二壯主登高
 肛等疾

而歌弃衣而走角弓反張羊癇吐舌**水溝** 一穴在鼻
 柱下宛々中灸五壯主消渴飲水無休水氣徧身腫
 笑無時節顛癇病語不識尊卑及口噤牙關不開也
天突 一穴在頸結喉下五分中央宛々中灸五壯主
 欬逆氣喘暴症不能言身寒熱頸腫喉中鳴翁々
 中氣哽々也**支溝** 二穴在腕後二寸兩骨間陷者中
 灸五壯主熱病汗不出肩臂酸重脇腋急痛四肢不
 舉口噤不開暴症不能言也**至陰** 二穴在足小指外
 側去爪甲角如韭葉宛々中灸三壯主瘡發寒熱頭
 重心頰目翳腕々鼻塞不通小便淋瀝失精

正入形第二



三里二穴一名手三里在曲池下二寸按之肉起兌肉之端灸三壯主肘臂酸重屈伸難泰亟祖明堂云主五勞虛乏四肢羸瘦**天池**二穴在乳後一寸著脇

直按掖肋間灸二壯主寒熱瘡瘡熱病汗不出曾滿頭痛四支不舉腋腫上氣胃中有聲喉鳴也**章門**二穴在大橫外直臍季肋端側卧屈上足伸下足舉臂取之灸七壯主腸鳴益々然食飲不化脇痛不得卧煩熱口乾不嗜食胃脇支滿腰背肋間痛不可轉側身黃羸瘦四肢怠倦腹中膨脹兩脇積氣如卵石也**中渚**二穴在手小指次指本節後間陷者中灸三壯主目眩々無所見肘臂酸痛手五指不握盡痛也

立人形第三



輪府二穴在旋機傍各二寸陷者中仰而取之灸三壯主欬逆上氣喘急嘔吐不下食飲胃中痛也胃鄉二穴在周榮下一寸六分陷者宛々中灸五壯主胃

脇支滿却引背痛不得卧轉側難也**偏歷**二穴在腕後三寸陷者中灸五壯主發寒熱瘡久不愈目視眩暈手不及顛臂膊肘腕酸痛難屈伸及顛疾多言**豐隆**二穴在外踝上八寸陷者中灸七壯主厥逆曾痛氣刺不可忍腹中如刀疔大小便難四肢不收身體倦怠膝腿酸痺屈伸難也**崑崙**二穴在足外踝後跟骨上陷者中灸三壯主寒熱癩疾目眩々鼻衄多涕腰尻重不欲起俛仰難惡聞人音女子絕產也**厲兌**二穴在足大指次指之端去爪甲一韭葉灸一壯主尸厥如死不知人多睡善驚面上浮腫也

正人形第四



黃帝問岐伯曰凡人中風半身不遂如何灸之岐伯
 答曰凡以未中風時一兩月前或三五箇月前非時
 足脛上忽發酸重頑痺良久方解此乃將中風之候

也便須急灸三里穴與絕骨穴四處各三壯後用葱
 薄荷桃柳葉四味煎湯淋洗灸瘡令馳逐風氣於瘡
 口中出也

灸瘡若春較秋更灸秋較春更灸常令兩脚上有灸
 瘡為妙凡人不信此法或飲食不節酒色過度忽中
 此風言語蹇澁半身不遂宜於七處一齊下火各灸
 三壯如風在左灸右在右灸左

一百會穴 二耳前髮際 三肩井穴 四風市穴
 五三里穴 六絕骨穴 七曲池穴
 右件七穴神効極多不能具錄依法灸之萬無一失
 也

正人形第五



紫宮一穴在華蓋下一寸陷者中仰而取之灸七壯
 主飲食不下嘔逆煩心上氣吐血及唾如白膠
乳根二穴在乳下一寸六分陷者中仰而取之灸五

壯主胃下滿悶臂腫及乳痛也華佗明堂云主鬲氣
 不下食噎病**少衝**二穴在手小指內廉之側去爪甲
 如韭葉灸三壯主煩心上氣卒心痛悲恐畏人善驚
 手拳不得伸掌中熱痛也秦丞祖明堂云兼主驚癩
 吐舌沫出也**千金楊玄操**同**湧泉**二穴在脚心底宛
 宛中白肉際屈足捲指得之灸三壯主心痛不嗜食
 婦人無子咳嗽氣短喉閉身熱曾脇滿悶頸痛目眩
 男子如蠱女人如姪孕足指盡疼不得踐地也

正入形第六



華蓋穴

分水穴


石門穴

石門一穴在臍下二寸陷者中灸七壯主腹大堅氣淋小便黃身寒熱咳逆上氣嘔血卒疝繞臍痛賁豚氣上衝甄權云主婦人因產惡露不止也

分水一穴在下管下一寸陷者中灸七壯主水病腹腫繞臍痛衝膈中不得息甄權云主水氣浮腫鼓脹腸鳴狀如雷聲時上衝心日灸七壯四百罷

華蓋一穴在旋機下一寸陷者中仰而取之灸五壯主膈支滿欬逆上氣喘不能言也

正人形第七



上星一穴在直入上鼻髮際一寸陷者中灸七壯主頭風目眩鼻塞不聞香臭
 聽會二穴在耳微前陷者中脹口有穴動脈應手灸

三壯主耳鳴々渾々聾無所聞
 巨關一穴在兩乳間陷者中灸五壯主曾鼻滿悶咳嗽氣短喉中鳴婦人絲脈滯無汗下火立愈歧伯云積氣乾噎
 巨關一穴在鳩尾穴下一寸陷者中灸七壯主心疝不可忍嘔血煩心膈中不利胃脇支滿霍亂吐痢不止困頓不知入
 間使二穴在掌後三寸兩筋間陷者中灸七壯主卒狂驚悸臂中腫痛屈伸難波伯云主鬼神邪也
 大衝二穴在足大指本節後二寸骨鐺間陷者中灸五壯主卒疝小腹痛小便不利如淋狀及月水不通

正人形第八



青靈二穴在肘上三寸伸肘舉臂取之灸三壯主肩
 不舉不能帶衣不容二穴在上管兩傍各一寸灸三
 壯主腹內弦急不得食腹痛如刀刺兩脇積氣臃臃

然五樞二穴在帶脉下二寸水道傍一寸半陷者中
 灸三壯主陰疝小腹痛及膀胱氣攻兩脇也復留二
 穴在足內踝上二寸脉動中陷者是灸七壯主腰疼
 痛引脊內痛不可俯仰善怒多言足癢不收履脛寒
 不自温腹中雷鳴兼治腹鼓脹四肢腫十水病女子
 赤白漏下五淋小便如散灰也大都二穴在足大指
 本節後陷者中灸三壯主熱病汗不出手足逆冷腹
 滿善嘔目眩煩心四肢腫病婦人懷孕不論月數
 及生產後未滿百日不宜灸之若絕子灸臍下二寸
 三寸間動脉中三壯

正入形第九



帶脈穴

石關穴

陰都穴

通里穴

通里二穴在腕後一寸陷者中灸七壯主頭目眩痛
 悲恐畏久肘腕酸重及暴症不能言語陰都二穴在
 通谷下一寸陷者中灸三壯主身寒熱瘡癩病心恍

惚也石關二穴在陰都下一寸宛々中灸三壯主多
 唾嘔沫大便難婦人無子藏有惡血腹厥痛絞刺不
 可忍者帶脈二穴在季肋下一寸八分陷者宛々中
 灸七壯主婦人腹堅痛月水不通帶下赤白兩脇下
 氣轉運背痛不可忍也

正人形第十



或中穴

氣衝穴

三里穴

懸鐘穴

或中二穴在輪府下一寸陷者中仰而取之灸三壯主咳嗽上喘不能食也氣衝二穴在歸來下一寸鼠臛上一寸動脈宛々中灸五壯主腹有大氣腹脹臍

下堅癢疔陰腫亦主婦人月水不通無子三里二穴在膝下三寸胛骨外大筋內筋骨之間陷者宛々中灸三壯主臟腑久積冷氣心腹脹滿胃氣不足聞食臭腸鳴腹痛秦呖祖云諸病皆治食氣暑氣蠱毒癘癖四肢腫滿腿膝酸痛目不明華佗云亦主五勞羸瘦七傷虛乏大小人熱皆調三里外臺明堂云凡人年三十以上若不灸二里令氣上眼闇所以三里下氣懸鐘二穴在足外踝上三寸動脈中灸三壯主心腹脹滿胃中熱不嗜食膝脛連腰痛筋壅急足不收履坐不能起○張仲文灸經療卒心痛不可忍吐冷酸綠水及元藏氣足大指次指內橫文中各灸一壯炷

如小麥大下火立愈

正人形第士



禾聊二穴在鼻孔下俠水溝傍五分灸三壯主鼻塞口辟清涕出不可止鼻衄有瘡口不可開及尸厥也

天井二穴在肘外大骨之後肘後一寸兩筋間陷者中屈肘得之灸五壯主肘痛引肩不可屈伸頸項及肩背痛臂痿不仁驚悸悲傷癩病羊鳴吐舌也兼滿二穴在不容下一寸陷者中灸三壯主腸鳴腹脹上喘氣逆及膈氣唾血也商陽二穴在手大指次指內側去爪甲如韭葉灸三壯主胃膈氣滿喘急耳鳴聾瘡病口乾熱病汗不出也乳最二穴在腕上七寸陷者宛々中灸三壯主熱病汗不出肘臂厥痛屈伸難手不及顛不握也○黃帝灸法療中風眼戴上及不能語者灸第二椎并第五椎上各七壯齊下火炷如半棗核大立愈

灸法卷十二

肩聊二穴在肩髃上舉肩取之陷者中灸五壯主肩重不舉臂痛也食竇二穴在天谿下一寸六分陷者中舉臂取之灸五壯主胃脇支滿鬲間鳴瀉陸々常



有聲通谷二穴在幽門下一寸陷者中灸三壯主失欠口喎及嘔暴症不能言也俠溪二穴在足小指歧骨間本節前陷者中足少陽脈之所流也灸三壯主耳鳴聾也

華佗療男子卒疝陰卵偏大取患人足大指去爪甲五分內側白肉際灸三壯炷如半棗核大患左取右患右取左

正人形第十三



三陽絡二穴在肘前五寸外廉陷者中支溝上一寸
 灸五壯主嗜卧身不欲動卒聾暴瘧及齒痛脇堂二
 穴在腋下二骨間陷者中舉腋取之灸五壯主胃脇

氣滿噫噦喘逆目黃遠視腕上**天池**二穴在腋下二
 寸陷者中灸三壯主上氣咳嗽胃中氣滿喉中鳴四
 肢不舉腋下腫也**月**二穴在期門下五分陷者中
 灸五壯主善悲不樂欲走多唾言語不正及四肢不
 收**地機**二穴在膝內側轉骨下陷者中伸足取之灸
 三壯主腰痛不可俛仰足痺痛屈伸難也
三陰交二穴在內踝上三寸陷者中灸三壯主膝內
 廉痛小便不利身重足痿不能行也

正氣第廿四



膈會二穴在臂前腋去肩頭三寸宛々中灸七壯主
 癭及臂氣腫也外關二穴在腕後二寸陷者宛々中
 灸三壯主肘腕酸痛重屈伸難手十指盡痛不得握兼

主耳惛々憚々聾無所聞也幽門二穴在巨關傍各
 一寸半陷者中灸五壯主善吐食飲不下兼唾多吐
 涎乾噦嘔沫洩有膿血也二間二穴在手大指次指
 本節前陷者中灸三壯主喉痺咽腫多卧喜唾鼻齕
 衄及口眼斜中衝二穴在手中指之端去爪甲如
 韭葉陷者中灸一壯主熱病煩心心悶而汗不出身
 熱如火頭痛如破煩滿舌本痛秦亟祖云兼主神氣
 不足失志也

正人形第五



上管穴

中極穴

陰包穴

上管一穴在巨闕下一寸灸三壯主嘔吐食飲不下
腹脹氣滿心忪驚悸時吐嘔血腹疝刺痛痰多吐涎
中極一穴在臍下四寸陷者中灸五壯主尸厥不

知久冷氣積聚時上冲心飢不能食小腹痛積聚堅
如石小便不利失精絕子面黧也
陰包二穴在膝上四寸陷者中灸七壯主腰痛連小
腹腫小便不利及月水不調也

正人形第十六



攢竹二穴在眉頭陷者中灸一壯主頭目風眩眉頭痛鼻衄血目眩々無遠見但是尸厥癲狂病神邪鬼魅皆主之中庭一穴在臍中下一寸宛々中灸三壯

主食飲不下嘔逆食下還出也關元一穴在臍下三寸陷者中灸五壯主賁豚寒氣入小腹時欲嘔溺血小便黃腹泄不止卒疝小腹痛轉胞不得小便歧伯云但是積冷虛乏病皆宜灸之大泉二穴在手中掌後橫文頭陷者中灸五壯主胃中氣滿不得卧肺脹滿膨膨然目中白翳掌中熱胃氣上逆唾血及狂言肘中痛交信二穴在內踝上二寸後廉筋間陷者中灸三壯主氣淋卒疝大小便難及膝脛內廉痛也大絡二穴在足內踝後跟骨上動脈中灸三壯主癢瘡效逆煩心不得卧小便黃足脛寒唾血及鼻衄不止也

正人形第十七



顛會穴

璇璣穴

鳩尾穴

氣海穴

顛會一穴在上星後一寸陷者中灸三壯主頭目眩
 頭皮腫生白屑兼主面赤暴腫也璇璣一穴在天突
 下一寸陷者中仰頭取之灸三壯主胃脇支滿欬逆

上喘喉中鳴也鳩尾一穴在蔽骨下五分陷者中灸
 三壯主心驚悸神氣耗散癩癩病狂歌不擇言也
 氣海一穴在臍下一寸五分宛々中灸七壯主冷病
 面黑肌體羸瘦四肢力弱小腹氣積聚賁豚腹堅脫
 陽欲死不知人五藏氣逆上攻也
 張仲文救婦人橫產先手出諸般符藥不捷灸右脚
 小指尖頭三壯炷如小麥大下火立產

正人形第貳



前頂一穴在顙會後一寸直鼻中央陷者中灸三壯
主頭風目眩頭皮腫小兒驚癇病也耳門二穴在耳

前起肉當缺陷者中主耳有膿及底耳聾耳痛鳴
聾并齒齟禁不宜灸有病不過三壯也少商二穴在
手大指內側去爪甲如韭葉陷者中灸二壯主瘡寒
熱煩心善噦唾沫唇乾嘔吐不下食腸脹腹滿微喘
心下膨膨然少海二穴在肘大骨外去肘端五分陷
者中屈肘乃得之灸五壯主四肢不舉癩癩吐舌沫
出羊鳴也交儀二穴在內踝上五寸陷者中灸五壯
主卒疝小腹痛小便不利及婦人漏下赤白月水不
調解溪二穴在繫鞋處陷者中灸三壯主上氣喘息
咳嗽急腹中積氣上下行及目生白翳也

正人形第十九



釋澤二穴在肘中約上兩筋動脈中甄權云在臂屈伸橫文中筋骨罅陷者中不宜灸主癩病不可向手臂不得上頭天枢二穴夾臍兩傍各二寸陷者中灸

五壯主久積冷氣繞臍切痛時上衝心女子漏下赤白及肚大堅食不化面色蒼々也曲骨一穴在橫骨上中極下一寸其毛際陷者中灸七壯主五淋小便黃水病脹滿婦人帶下赤白惡合陰陽小便閉澀不通但是虛乏冷極者皆宜灸之陽陵泉二穴在膝下一寸外廉陷者中灸一壯主膝股內外廉痛不仁屈伸難及喉中鳴驚恐如人將捕之丘墟二穴在外踝如前去臨泣三寸灸三壯主曾脇痛善太息曾滿膨膨然足腕不收足脛偏細

正入形第一千




蟀谷二穴在耳上入髮際一寸五分陷者宛々中醫
 而取之灸三壯主醉後酒風發頭重皮膚腫兩角眩
 痛也中府二穴在雲門下一寸六分乳上三肋間動

脈應手灸五壯主肺急曾中滿喘逆唾濁善噎皮膚
 痛也養老二穴在手太陽踝骨上一穴後一寸陷者
 中灸三壯主肩欲折臂如拔手不能自上下也○張
 仲文傳神仙灸法療腰重痛不可轉側起坐難及冷
 痺脚筋攣急不可屈伸灸曲踈兩文頭左右脚四處
 各三壯每灸一脚二火齊下艾炷才燒到肉初覺痛
 便用兩人兩邊齊吹至火滅午時著灸至人定已來
 自行動藏府一兩廻或藏府轉動如雷聲其疾立愈
 此法神効卒不可量也

新刊黃帝明堂灸經卷上

新刊黃帝明堂灸經卷中

背人形第一




風府 一穴在項後入髮際一寸大筋內宛々中禁不可灸主頭痛項急不得顧暴瘖不得言多悲恐驚悸狂走欲自殺目反視
大杼 二穴在項第一椎下兩傍

各一寸半陷者中灸五壯主頸項痛不可悅仰左右不顧癩病瘰癧身熱目眩項強急卧不安席
心俞 二穴在第五椎下兩傍各一寸半陷者中灸五壯主寒熱心痛背相引痛胃中滿悶欬嗽不得息煩心多涎胃中弱食飲不下目眈々淚出悲傷也
膈俞 二穴在第七椎下兩傍各一寸半陷者中灸五壯主欬逆嘔吐鬲上寒食飲不下脇腹滿胃弱食少嗜卧怠惰不欲動身
肝俞 二穴在第九椎下兩傍各一寸半陷者中灸七壯主咳逆兩脇滿悶肋中痛目生白翳氣短唾血目上視多怒衄目眈々無遠視也
腎俞 二穴在十四椎下兩傍各一寸半陷者中灸五壯主腰疼

不可使仰轉側難身寒熱飲食倍多身羸瘦面黃黑
 目眩入兼主丈夫婦人久積冷氣變成勞疾也

背人形第一



風門二穴在第二椎下兩傍各一寸半陷者中灸五
 壯主頭疼風眩鼻衄不止鼻流清涕也 魄戶二穴在

第三椎下兩傍各三寸陷者中灸三壯主背甲滿悶
 項急強不得顧勞損虛乏尸厥走疰胃背連痛也

至陽一穴在第七椎節下間微俛而取之宛々中灸
 七壯主四肢重少氣難言脊急強也 胃俞二穴在第十


十二椎下兩傍各一寸半宛々中灸七壯主胃中寒
 氣不能食胃脇支滿身羸瘦背脊中氣上下行腰脊痠

腹中鳴也 膀胱俞二穴在第十九椎下兩傍各一寸
 半陷者中灸七壯主腰脊急強腰已下酸重勞損不

仁腹中痛大便難也 僕夫二穴在跟骨下陷者中拱
 足得之灸三壯主腰痛不可舉足承山下重脚痿癱

疾尸厥霍亂馬癘也

背人取第三



大椎一穴在項第一椎下陷者中灸七壯主五勞虛損七傷乏力疰氣背膊間悶項強不得顧及瘡瘡久不愈也身柱一穴在第三椎下間穴中灸三壯主


癲狂癩瘵怒欲殺人狂走見鬼秦皇祖明堂云主小兒驚癩也千金楊玄操同筋縮一穴在第九椎節下間俯而取之陷者中灸五壯主驚癩狂走癲病多言春三餘兩目轉上及目瞪也膽俞二穴在第十椎下兩傍各一寸半正坐取之陷者中灸五壯主胃脇支滿嘔無所出舌乾飲食不下脾俞二穴在第十一椎下兩傍各一寸半陷者中灸五壯主腹中脹滿引背間痛食飲多身羸瘦四肢煩熱嗜卧怠惰四肢不欲動搖志室二穴在第十四椎下兩傍各三寸半陷者中正坐微俯而取之灸七壯主腰痛春急兩脇脹滿大便難食飲不下背氣僂仰不得也



歧伯灸法療頭眩目眩及偏頭痛不可忍牽眼眩々
 不遠視灸兩眼小此脊上髮際各一壯立差長強一穴
 在腰俞下脊骸端陷者中灸五壯主腰脊急強不可

僂仰癩狂病大小便難洞泄不禁五淋久痔小兒驚
 癇病委中二穴在曲蹠內兩筋兩骨中宛々是也冷
 病人合面卧舒挺兩脚取之灸二壯主脚弱無力腰
 尻重曲蹠中筋急半身不遂


背人形第五



陶道一穴在項大椎節下間俛而取之陷者中灸五壯主頭目眩重痲瘡寒熱洒淅矣肺俞二穴在第三椎下兩傍各一寸半宛々中灸三壯主肺寒熱肺痿

上喘欬嗽唾血膏脇氣滿不得卧不嗜食汗不出及背強弦急也神道一穴在五椎下間陷者中灸五壯主身熱頭痛進退往來瘡瘡恍惚悲愁譫語二穴在第六椎下兩邊各二寸陷者中灸五壯主瘡久不愈者背氣滿悶胃中氣噎勞損虛乏不得睡也陽對二穴在穴在十椎下兩傍各三寸陷者中正坐微俯而取之灸七壯主飲食不下腹中雷鳴腹滿臙脹大便泄消渴身熱面目黃不嗜食怠惰也三焦俞二穴在十三椎下兩傍各一寸半正坐取之陷者中灸五壯主背痛身熱腹脹腸鳴腰脊急強也

背入形第六



玉枕二穴在絡却後七分半俠腦戶傍一吋三分入髮際三吋灸三壯主頭重如石目痛如脫不能遠視天嬸二穴在臑骨穴下髮際宛々中灸三壯主瘰癧

寒熱頸有積氣暴轉肩中痛頭風目眩鼻塞不聞香臭神堂二穴在五椎下兩傍各三吋陷者中正坐取之灸三壯主肩背連胷痛不可俛仰腰脊急強逆氣上攻時復嘔也命門一穴在十四椎節下間微俯而取之灸三壯主身熱如火頭痛如破寒熱瘧癘腰腹相引痛百環俞二穴在二十一椎下兩傍各一寸半灸三壯主腰脊急強不能俯仰起坐難手足不仁小便黃腰尻重不舉也杖兼二穴在尻臀下衝文中灸三壯主腰脊尻臀股陰寒痛五種痔疾瀉鮮血尻腫中腫大便難小便不利


背人形第七



天柱二穴在項後大筋外宛々中灸三壯主頭風腦重目如脫項如拔項痛急強左右不顧也魄戶二穴在第二椎下兩傍各三寸正坐取之宛々中灸五壯

主肩膊間急痛背氣不能引顧咳逆上喘也意舍二穴在第九椎下兩傍各三寸陷者中正坐闊肩取之灸七壯主胃脇脹滿背痛惡寒飲食不下嘔吐不留住也懸樞一穴在第十一椎節下陷者中灸三壯主腹中積氣上下行腠中盡痛也胞背二穴在第十九椎下兩傍各三寸陷者中俛而取之灸五壯主腰痛不可忍俛仰難惡寒小便澁也中旅俞二穴在第二十椎下兩傍各一寸半主腰痛不可俛仰夾脊脊痛上下按之應者從項後至此穴痛者灸之立愈也

背入形第八



強間一穴在後頂後一寸五分宛々中灸三壯主頭痛如針刺不可動頭如按左右不得顧歧伯云兼治風癩病毳風二穴在耳後尖角陷者中按之引耳是

也灸三壯主耳鳴聾失欠暴症不能言口噤不開及口吻喎也列缺二穴在腕上一寸筋骨鐫間宛々中灸三壯主偏風半身不舉口喎腕勞肘臂痛及瘡癩面色不受食谷二穴一名虎口在手大指兩骨鐫間宛々中灸三壯主痲瘡寒熱病汗不出目不明生白翳皮膚疥疥偏身風癩飛揚二穴在外踝上七寸陷者中灸五壯主體重起坐不能步失履不收脚脇酸重戰慄不能久立附陽二穴在外踝上三寸後筋骨間陷者中灸五壯主腰痛不能久立腿膝脛酸重筋急屈伸難坐不能起四肢不舉也

背脊人形第九



後頂一穴在百會後一寸五分玉枕骨上陷者中灸
 三壯主目不明惡風寒頭目眩重偏骨二穴在肩端
 上兩骨間陷者中灸三壯主肩中熱指臂痛也腰俞

一穴在二十一椎節下間陷者中灸五壯主腰疼不
 能久立腰已下至足冷不仁坐卧難腰脊強急不可
 俛仰腰重如石難舉動也陷骨二穴在足大指次指
 間本節後陷者中灸三壯主卒疝小腹痛頭面虛腫
 及痲瘡發寒熱也兼山二穴在兌腸下分肉間陷
 者中灸五壯主寒熱癩疾脚踠酸痛不能久立腰膝
 重行坐難筋癱急不可屈伸

側人形第一



腦空二穴在顛靈穴後一寸半玉枕骨下陷者中灸
 七壯主頭風目暈癲狂病身寒熱引項強急鼻衄不
 止耳鳴耳聾頰車二穴在耳下一韭葉陷者宛々中

灸三壯主牙關不開口噤不能言牙齒疼痛不得嚼
 及頰腫也○秦亟祖灸狐魅神邪及癲狂病諸般醫
 治不瘥者以併兩手大母指用軟絲繩子急縛之灸
 三壯艾炷著四處半在甲上半在肉上四處盡燒一
 處不燒其疾不愈神効不可量也小兒胎癩疔癩驚
 癩一依此灸一壯炷如小麥大懸鐘二穴在外踝上
 三寸宛々中灸五壯主腹滿中焦客熱不嗜食并腿
 膝連膝脛痺麻屈伸難也象趾溝二穴在內踝上五寸
 陷者中灸七壯主卒疝小腹腫小便不利臍下積氣
 如埋石足寒脛痠屈伸難也○歧伯灸膀胱氣攻衝
 兩脇臍下時鳴陰卵入腹灸臍下六寸兩傍各一寸

六分各二十七壯

側人形第二




巨骨二穴在肩端上兩行骨陷者中灸一壯主肩中痛不能動搖也

周榮二穴在中府下一寸六分仰而取之陷者中灸五壯主胃脇支滿不得俛仰欬唾膿也曲池二穴在肘外輔屈肘曲骨之中文頭陷者是穴也灸七壯主肘中痛屈伸難手不得舉偏風半身不遂捉物不得攪不開肘臂偏細秦丞相明堂云主大小人偏身風癢皮膚疥也

後溪二穴在手外側腕前起骨下陷者中灸三壯主瘡瘡寒熱目生白翳肘臂腕重難屈伸五指盡痛不可掣岐伯灸法療脚轉筋時發不可忍者灸脚蹠一壯內筋急灸內外筋急灸外也

側人形第三



支正穴

巨虛穴

支正二穴在手太陽腕後五寸去養老穴四寸陷者中灸五壯主驚恐悲愁肘臂攣難屈伸手不握十指盡痛也秦皇祖云兼主五勞四肢力弱虛乏等病

巨虛二穴在二里穴下三寸筋骨外大筋內筋骨之間陷者中灸三壯主脚脛酸痛屈伸難不能久立甄權云主大氣不足偏風脹腿脚不能相隨也

黃帝問岐伯曰凡人患噎疾百味珍饌不能而食者灸何穴而立得其愈岐伯荅曰夫人噎病有五般一曰氣噎二曰憂噎三曰食噎四曰勞噎五曰思噎是皆由陰陽不和三焦隔絕津液不利故令氣隔不調成噎疾○氣噎灸膻中在兩乳間憂噎灸心俞在第五椎下兩傍各一寸半食噎灸乳根在兩乳下各一寸六分勞噎灸膈俞在第七椎下兩傍各一寸半思噎灸天府在腋下三寸

側人形第四



上關二穴在耳前上廉起骨開口有穴陷者宛々中是也灸一壯主唇吻強上口眼偏斜牙齒齩痛耳鳴聾天窓二穴在曲頰下扶突後動脈應手陷者中灸

三壯主耳鳴聾無所聞頰腫喉中痛暴瘖不能言及肩痛引項不得顧

液門二穴在手小指次指之間陷者中灸三壯主肘痛不能上下瘡瘻寒熱目溢眵々頭痛泣出也

束骨二穴在足下小指外側本節後陷者中灸三壯主驚癇狂癲身寒熱頭痛目眩秦亟祖云主風赤胎赤兩目皆爛藥賓二穴在足內踝上灸三壯主小兒胎疝癩病吐舌及嘔吐不止也

張仲文療風眼卒生翳膜兩目疼痛不可忍灸手中指本節間尖上三壯炷如小麥大患左灸右患右灸

左

側人形第五



曲髮二穴在耳上髮際曲處陷者中鼓額有穴灸三壯主頸項急強不得顧引牙齒痛口噤不能言也

兌端一穴在頤前下唇之下開口取之宛々中灸三壯

壯主口噤鼓額癩疾及吐沫衄血不止

天頂二穴在項缺盆直扶突氣舍後一寸陷者中灸七壯主暴瘖咽腫飲食不下及喉中鳴

環跳二穴在硯子骨下宛々中灸三壯主冷痺風濕偏風半身不遂腰膝疼痛歧伯曰主睡卧伸縮廻轉不得也

漏谷二穴在足內踝上六寸陷者中灸三壯主足熱痛腿冷痛疼不能久立麻痺不仁也

京骨二穴在足外側大骨下白肉際陷者下灸五壯主瘡寒熱善驚悸不欲食腿膝脛痠脚攣不得伸癩病狂走善自齧及脛脛寒也

側人形第六



黃帝灸法療神邪鬼魅及癩狂病語不擇尊卑灸上唇裏面中央肉弦上一壯炷如小麥大又用鋼刀決斷更佳兼漿水穴一穴在下唇稜下宛々中灸三壯主偏

風口眼喎斜消渴飲水不休口噤不開及暴症不能言也**肩外**俞二穴在肩甲上廉去脊骨三寸灸三壯主肩痛發寒熱引項急強左右不顧**溫留**二穴在腕後五寸六寸間動脈中是穴灸二壯主寒熱頭痛善噦衄肩不舉癩癩病吐舌鼓頤狂言喉痺不能言**少府**二穴在手小指本節後陷者中直勞宮灸三壯主瘡瘡久不愈者煩滿少氣悲恐畏久臂酸掌中熱手握不伸**陰市**二穴在膝上三寸伏兔穴下宛々陷者中灸五壯主卒疝小腹痛力痿氣少伏兔中寒腰如冷水**臨泣**二穴在足小指次指本節後去俠溪一寸半陷者中灸三壯主胃膈滿悶腋下腫言白齲頰兼

主瘡病日西發者

側人形第七



庫房二穴在氣戶下一寸六分陷者宛々中仰而取之灸五壯主曾脇支滿欬逆上氣呼吸不至息及肺寒欬嗽唾膿也千金楊玄操同肘聊二穴在肘大骨

外廉陷者中灸五壯主肘臂酸重不可屈伸麻痺不仁也風市二穴在膝外兩筋間平立舒下兩手著腿當中指頭陷者宛々中灸三壯主冷痺脚脛麻腿膝酸痛腰尻重起坐難也光明二穴在外踝上五寸陷者中灸七壯主膝脛酸痺不仁手足偏小坐不能也陰蹻二穴在足內踝下陷者中灸三壯主卒疝小腹痛左取右取右取左立已及女子月水不調嗜卧怠惰喜悲不樂手足偏枯不能行及小便難也

新刊黃帝明堂灸經卷中

新刊黃帝明堂灸經卷下

夫治小兒之患診察幽玄默而抱疾自不能言也或
即胎中受病或是生後傷風動發無時寒溫各異且
據諸家方論醫藥多門藥既無痊全憑灸法况小兒
灸法散在諸經文繁至甚牙說不同既穴點以差訛
則治病全然紕繆按諸家明堂之內精選到小兒應
驗七十餘穴並是曾經使用累驗神功今具編錄于
後

燕山活濟堂刊

建安寶桂芳校正時刊

正入形第一

小兒驚癇者先驚悸啼叫後乃發也灸頂上旋毛中
 三壯及耳後青絡脉炷如小麥大
 小兒風癇者先屈手指如數物乃發也灸鼻柱上



髮際宛々中三壯炷如小麥大

小兒緩驚風灸尺沢各一壯在肘中橫文約上動脉
 中炷如小麥大

小兒二三歲忽發兩眼大小皆俱赤灸手大指次指
 間後一寸五分口陷者中各三壯炷如小麥大

小兒顛開不合灸臍上臍下各五分二穴各三壯灸
 瘡未發顛開先合炷如小麥大

小兒夜啼者上燈啼雞鳴止者灸手中指甲後一分
 中衝穴壯炷如小麥大

正人形第二



小兒喉中鳴嚙乳不利灸**璇玑**一穴三壯在天突下一寸陷者中炷如小麥大○癩病者小兒惡疾也呼吸之間不及求師致困者不少諺云國無良醫枉死

者半小兒猪癩病如尸厥吐沫灸**巨闕**穴三壯在鳩尾下一寸陷者中炷如小麥大
 小兒睡中驚目不各灸**肘橫文**中上三分各一壯炷如小麥大
 小兒口有瘡蝕斷爛臭穢氣衝灸**勞宮**二穴各一壯在手心中以無名指屈指頭著處是也炷如小麥大
 大小兒雞癩善驚反折手掣自搖灸手**少陰**三壯在掌後去腕半寸陷者中炷如小麥大
 小兒瘡久不愈者灸足**大指次指外間**陷者中各一壯炷如小麥大內庭穴也

兩乳前各一寸半上兩行三骨間

臍下二寸三寸

正入形第三

入髮際三分

合谷穴



小兒身強角弓反張灸鼻上入髮際三分三壯次灸
大椎下節間三壯炷如小麥大
小兒龜背緣肺熱脹滿攻胃膈所生又緣乳母食熱

麩五辛轉更曾起高也灸兩乳前各一寸半上兩行三
骨罅間六處各三壯炷如小麥大春夏從下灸上秋
冬從上灸下若不依此法十灸不愈一二也
小兒疳眼灸合谷二穴各一壯炷如小麥大在手大
指次指兩骨間陷者中
小兒秋深冷痢不止者灸臍下三寸三寸間動脈中三
壯炷如小麥大

正人形第四



小兒驚癇灸鬼塚穴一壯在上唇中央絃上炷如小麥大用鋼刀決斷更佳
小兒水氣四肢盡腫及腹大灸臍上一寸三壯炷如

小麥大分水穴也

小兒熱毒風盛眼睛疼痛灸手中指本節頭三壯名拳尖也炷如小麥大

小兒龜背生時被客風拍著脊骨風達於髓所致也如是灸肺俞心俞膈俞各各三壯炷如小麥大

肺俞在三推下兩傍各寸半

心俞在五推下兩傍各寸半

膈俞在七推下兩傍各寸半

小兒臍腫灸腰後對臍骨節間三壯炷如小麥大

正入形第五



小兒急驚風灸前頂一穴三壯在百會前一寸若不愈須灸兩眉頭及鼻下人中一穴炷如小麥大

小兒但是風癰諸般醫治不差灸耳上入髮際一寸五分嚼而取之蟀谷穴也

小兒嘔吐涎汁灸中庭一穴一壯在檀中穴下一寸陷者中炷如小麥大

小兒目溢怕明狀如青盲灸中渚二穴各一壯在手小指次指本節後陷者中炷如小麥大

小兒雀目夜不見物灸手大指甲後一寸內廉橫文頭白肉際各一壯炷如小麥大

小兒睡中驚掣灸足大指次指之端去爪甲如韭葉各一壯炷如小麥大

平人形第六

顛會穴

天突穴

鳩尾穴

僕參多穴

鳩尾五分

山崑崙穴



小兒多涕者是腦門被風拍著及肺寒也灸顛會一
穴三壯炷如小麥大在上星上一寸直鼻
小兒急喉痺灸天突穴一壯在項結喉下三寸兩骨

間炷如小麥大

小兒食癩者先寒熱洒淅乃發也灸鳩尾上五分三
壯炷如小麥大

小兒牛癩目直視腹脹乃發也灸鳩尾一穴三壯在
曾蔽骨下五分陷者中炷如小麥大

小兒馬癩張口搖頭身反折馬鳴也灸僕參二穴各
三壯在足跟骨下白肉際陷者中拱足取之炷如小
麥大

小兒陰腫灸內崑崙二穴各三壯在外踝後五分筋
骨間陷者中炷如小麥大

背人形第一



小兒脫肚瀉血每厥臟腑撮痛不可忍者灸百會一
 穴三壯在頭中心陷者是也炷如小麥大
 小兒新生二七日內著噤不吮奶多啼者是客風中

於臍循流至心脾二經遂使舌強唇痙啞不得斯
 病所施方藥不有十全尔大抵以去客風無過灸
兼灸一穴七壯在下唇稜下宛々中是也次灸頰車
 二穴各七壯在耳下曲頰骨後炷如雀屎大
 小兒食時頭痛及五心熱者灸**噫嘻**二穴各一壯在
 第六椎下兩傍各三寸宛々中炷如小麥大
 小兒三五歲兩眼每至春秋忽生白翳遮瞳子疼痛
 不可忍者灸**九推節**上一壯炷如小麥大

背脊人形第二



小兒五六歲不語者心氣不足舌本無力發轉難灸
 心俞穴三壯炷如小麥大在第五椎下兩傍各一寸
 半陷者中

小兒痢下赤白秋末脫肛每廁肚疼不可忍者灸

十二椎下節間名接脊穴灸一壯炷如小麥大

黃帝療小兒疳痢脫肛體瘦渴飲形容瘦悴諸般醫

治不差者灸尾翳骨上三寸骨陷間三壯炷如小麥

大歧伯云兼二伏內用桃柳水浴孩子平正時當日

灸之後用青帛子拭兼有似鬼疳蟲子隨汁出也此

法神效不可量也

歧伯灸法療小兒脫肛瀉血秋深不較灸龜尾一壯

炷如小麥大春端窮骨也

背人形第三



小兒斑瘡入眼灸**大指**二穴各一壯在項後第一推
 下兩傍各一寸半陷者中炷如小麥大
 小兒疔瘰目不明者灸**肩中俞**二穴各一壯在肩甲

黃疸

ヤ七人良不佳

內廉去香二寸陷者中炷如小麥大
 小兒羊癩目腫吐舌羊鳴也灸**第九椎下節間**三壯
 炷如小麥大
 小兒飲水不歇面目黃者灸**陽對**二穴各一壯在第九
 十一椎下兩傍各二寸陷者中炷如小麥大
 小兒羸瘦食飲少不生肌膚灸**胃俞**穴各一壯在第十
 二椎下兩傍各一寸半陷者中炷如小麥大
 小兒胎疝卵偏重者灸**囊後縫****十字**當上三壯春
 灸夏較夏灸秋較秋灸冬較冬灸春較炷如小麥大

明堂灸經卷第下終

